

武功縣志

卷之三

地
170.79
274=2
=3

武功縣志卷之三

人物志第六

鞏昌府志
凡例云康
太史志武
功海內推

焉后稷聖
人唐祖太
宗帝王俱
收之人物
不另標題
或疑其褻
太史曰太
華高羣山
倚重奚襄
哉此名言
鉅識也

史記。后稷名棄。其母有郃氏女。曰姜原。姜原為帝嚳元妃。姜原出野。見巨人跡。心忻然說。欲踐之。踐之而身動如孕者。居期而生子。以為不祥。棄之隘巷。馬牛過者皆辟

卷之三 一

人物

不踐。徒置之林中。適會山林多人。遷之而棄渠中冰上。飛鳥以其翼覆薦之。姜原以為神。遂收養長之。以初欲棄之。因曰棄。棄為兒時。屹如巨人之志。其遊戲好種樹麻菽。麻菽美。及為成人。遂好耕農。相地之宜。宜穀者稼穡焉。民皆法則之。帝堯聞之。舉

棄爲農師。天下得其利。有功。封棄于郃。號曰后稷。帝舜曰棄。黎民阻饑。爾后稷播時百穀。別姓姬氏。后稷之興在陶唐虞夏之際。皆有令德。后稷卒。子不窋立。

韓詩章句姜姓原字或

曰謚號也詩傳名原

唐高祖神堯皇帝。姓李氏。諱淵。字叔德。隴

卷之三

二

人物

西成紀人。涼武昭王暕七代孫。自暕五世有名天賜者。爲魏幢主。生虎。有功于周。與李弼等八人。皆拜柱國。號八柱國。周受魏禪。追贈唐國公。虎生昞。昞生高祖。獨孤皇后。高祖之從母也。故文帝與高祖相親愛。大業中。爲岐州刺史。治于武功而家焉。所

謂慶善宮也。太宗實生于此。大業十三年。高祖爲太原留守。時煬帝南遊。盜賊蜂起。太宗知隋必亡。陰結豪傑舉大事。懼帝不從。因與裴寂選晉陽宮人私事帝。乃告之。五月以詐殺副留守王威高君雅。與突厥連和。遂起兵而有天下。在位九年。傳之太宗。

卷之三

三

人物

幢音牀。旛幢旌旂之屬。
獨孤皇后文帝后。

太宗皇帝諱世民。神堯次子。母曰太穆后竇氏。開皇十八年己卯。十二月戊午。生帝于武功宅。有二龍之瑞。方四歲。有書生謁高祖曰。公在相法。貴人也。必有貴子。及見

太宗曰。龍鳳之姿。天日之表。年幾冠。必能濟世安民。書生去。高祖懼其語泄。使追殺之。不知所往。因以爲神。乃採其語名之曰世民。大業中。突厥圍煬帝于鴈門。帝年十六。應募往救。遂隸將軍雲定興部下。設疑示。遂引去。後高祖起兵徇西河。斬其

卷之三

四

人物

郡丞高德儒。至霍邑。會天久雨。高祖欲還兵。太宗諫曰。義師爲天下起也。宜直入咸陽。號令天下。今守一城。是爲賊耳。高祖不納。太宗哭于軍門。高祖驚。召問之。曰。還則衆散于前。敵乘于後。死亡須臾。所以悲耳。高祖寤曰。起事者女也。成敗惟女。遂進兵。

克長安。定四方。累進中書令。初，高祖起太原。非其本意。而事出太宗。及取天下。太宗功益高。高祖屢許以爲太子。建成懼廢。與齊王元吉日謀害太宗。九年六月。太宗以兵入元武門。殺太子建成。及齊王元吉。高祖聞之大驚。遂以太宗爲皇太子。八月甲子。卽皇帝位。帝聰明英武。其除隋之亂。比迹湯武。致治之美。庶幾成康。自古功德兼隆。漢以來未之有也。

卷之三

五

人物

史傳周富辰襄王大夫也。襄王十三年。鄭

人伐滑。王使伯服游孫伯如鄭請滑。鄭人

不聽王命而執二子。王怒。將以翟代鄭。富

史記王使游孫伯服請滑此傳多一伯字衡按伯服游孫伯見

左傳 子頹莊王 子釐王弟 惠王之叔 父也有寵 作亂惠王 奔溫頹爲 王鄭與虢 君伐殺頹 復入惠王 太叔襄王 弟叔帶也 譚伯周大 夫 漢書蘇建 杜陵人唐 宰相世系 表蘇忿生 徙武功杜 陵建徙扶 風平陸

辰諫曰。凡我周之東徙。晉鄭焉依。子頹之亂。又鄭之由定。今以小怨棄之。王不聽。十五年。王降翟師以伐鄭。王德翟人。將以其女爲后。辰又諫王。王弗聽。後大叔通於翟后。王絀翟后。翟人來誅殺譚伯。富辰曰。吾數諫。王不從。如是不出。王以我爲懟乎。乃以其屬死之。

卷之三

六

人物

漢蘇建其上世因封居故蘇城。蘇忿生爲周司寇。居河內。後徙武功杜陵。故建或稱爲杜陵人。以校尉從大將軍青擊匈奴。封平陵侯。以將軍築朔方。後以衛尉爲遊擊將軍。從大將軍出朔方。後一歲。以右將軍

再從大將軍出定襄。亡翁侯。失軍當斬。贖
爲庶人。後爲代郡太守。卒官。有三子。嘉、奉、
車都尉。賢、騎都尉。中子武。自有傳。

史記翁侯趙信爲前將軍。匈奴誘之。遂
將其餘騎八百降單于。建盡亡其軍。獨
以身歸。

蘇武字子卿。少以父任爲郎。稍遷至移中

卷之三

七

人物

廐監。時漢連伐胡。數通使相窺。匈奴留漢
使。前後十餘輩。及匈奴使來。漢亦留之。天
漢元年。且鞮侯單于初立。恐漢襲之。迺盡
歸漢使。武帝嘉其意。遣武以中郎將使持
節。亦送匈奴使歸。因厚賂答單于。單于見
漢幣遺。益驕。方欲發使送武等。會緱王與

常引武副
張勝知謀
斬常勝請
降

武杖漢節
牧羊臥起
操持節旄
盡落

元與上官
桀子安有
謀

虞常謀反匈奴中。單于使衛律論虞常。欲因以降武。武不動。律更曲為說武。武罵絕之。律知武終不可脅。白單于。單于益欲降武。置武大窖中。絕不飲食。天雨雪。武臥齧雪。與旃毛并咽之。數日不死。匈奴以為神。乃徙北海上。牧羝。羝乳乃歸。李陵降後。單于又使陵往說武。陵因武有悲心焉。昭帝即位。遣使求武。陽言天子射上林。得雁足繫帛。知武所在。單于驚。始還武及其官屬。尚在者。惠等九人。始元六年春。武至京師。拜典屬國。子元坐法死。以别子通國為郎。

前漢書酷吏傳趙禹
獫人也

移音移。移中廐名。且子閭切。鞮丁奚切。且鞮侯犁胡單于之弟。緱王者昆邪王姊子也。虞常長水人。衛律使匈奴。會李延年家收律懼并誅亡還。害工孝反。大害舊積米粟之害而空者。惠常惠也。惠初以假吏隨武往匈奴。

趙禹以佐史補中都官。用廉為令史。事太尉周亞夫。亞夫為丞相。禹為丞相史。府中皆稱其廉平。武帝時禹以積勞遷為御史。

卷之三

九

人物

上以為能。至中大夫。與張湯論定律令。禹

史張湯傳作吏

為人廉潔。為史以來舍無食客。公卿相造

請禹。終不行報謝。務在絕知友賓客之請。

孤立行一意而已。嘗中廢。已為廷尉。始條

侯以禹賊深。及禹為少府九卿。酷急。至晚

節。益事多。吏務為嚴峻。而禹治加緩。名為

平。王温舒等後起。治峻禹。禹以老。徙爲燕相。數歲諄亂。有罪免歸。後十餘年。以壽卒于家。

中都官。若京都府史。裾讀與倨同。禹終不行句。報謝務在孤立行一意。師古曰。以此意告報公卿。史記張湯傳。禹終不報謝。條侯亞夫也。爲少府九卿。史記及禹爲少府比九卿。王温舒。陽陵人。諄布內反。心意昏惑也。

卷之三

十

人物

後漢書蘇竟扶風平陵人

後漢蘇竟字伯况。平帝時以明易爲博士。

講書祭酒。善圖緯。能通百家之言。王莽時。與劉歆共典校書。拜代郡中尉。時匈奴擾亂。北邊多懼其禍。竟終完輯一郡。光武卽位。就拜代郡太守。尋拜侍中。以病免。初。鄧仲况擁兵據南陽陰縣爲寇。而劉歆兄子

衡按此傳本後漢書

蘇章傳為奉車都尉下有竇固軍三字原註似讀為字作去聲連屬下句故云未為奉車都尉誤矣
後漢書李育扶風漆

龔為謀主。竟時在南陽。以書曉之。於是仲况龔降。竟終不伐其功。潛樂道術。作記誨篇。及文章傳于世。年七十卒于家。

竟為講尚書祭酒、仲况、延岑護軍、龔字孟公、善議論、

蘇純字桓公。建六世孫也。有高名。性強切而持毀譽。士友咸憚之。至私相謂曰。見蘇

卷之三

十一

人物

桓公。患其教責人。不見又思之。三輔號為大人。永平中。為奉車都尉。出擊北匈奴車師有功。封中陵鄉侯。官至南陽太守。

大人、長老之稱、後漢書純為奉車都尉、竇固軍出擊北匈奴車師有功、據此純未為奉車都尉、

李育字元春。少習公羊春秋。沈思專精。博

蒼光武子

元字長孫
廣信人升

字辯鄉代
郡人

廖子豫為
步兵校尉
坐投書怨
謗免廖歸
國

覽書傳。知名太學。深為同郡班固所重。固
奏記薦育於驃騎將軍東平王蒼。由是京
師貴戚爭往交之。州郡請召。育到輒辭病
去。常避地教授。門徒數百。頗涉獵古學。嘗
讀左氏傳。雖樂其文采。然謂不得聖人深
意。以為前世陳元范升之徒。更相非折。而

卷之三

十一

人物

多引圖讖。不據理體。於是作難左氏義四
十一事。建初元年。衛尉馬廖舉育方正。為
議郎。後拜博士。四年。詔與諸儒論五經於
白虎觀。育以公羊義難賈逵。往返皆有理
證。稱為通儒。再遷尚書令。及馬氏廢。育坐
為所舉。免歸。歲餘復徵。再遷侍中。卒於官。

後漢書蘇
章扶風平
陵人八世
祖建

蘇章字儒文。純子也。少博學。能屬文。安帝時。舉賢良方正。對策高第。爲議郎。數陳得失。其言甚直。出爲武原令。值歲饑。輒開倉廩。活三千餘戶。順帝時。遷冀州刺史。故人爲清河太守。章行部。案其姦贓。乃請太守。設酒肴。陳平生之好甚歡。太守喜曰。人皆有一天。我獨二天。章曰。今夕儒文與故人飲者。私恩也。明日冀州刺史案事者。公法也。遂舉正其罪。州境望風畏肅。改并州刺史。以摧折權豪忤旨。坐免。隱身鄉里。不交當世。後徵爲河南尹。不赴。卒于家。

蘇謙章兄孫也。初爲郡督郵。時魏郡李暘。

爲美陽令。與中常侍貝瑗交通。貪暴爲民
患。前後監司畏其勢援。莫敢發問。及謙至
部。案得其贓。論輸左校。謙累遷至金城太
守。去郡歸鄉里。後私至洛陽。嵩爲司隸校
尉。爲嵩所害。

漢法免罷守令。非詔徵不得到京師。
嵩收謙詰掠。死獄中。嵩又刑其屍。

卷之三

古

人物

蘇不韋字公先。謙子也。年十八。徵詣公車。
會謙見殺。載其喪歸。瘞而不葬。仰天嘆曰。
伍子胥何人也。乃藏母於武都山中。變姓
名。募劍客刺嵩。不克。又潛鑿地。旁達嵩寢。
殺嵩。值嵩在廁。止殺其妾。及其子。留書而
去。更以其父首祭謙。嵩因憤恚死。不韋始

改葬行喪。後不韋竟以髡客陷死。

子胥父奢為楚王所殺，子胥復讐。不韋日夜飛馳徑到魏郡，掘髡父阜塚，斷取阜頭以祭父墓。武威段熲與髡素善，熲為司隸，乃追咎不韋前報髡事，使從事張賢就家收執，并其一門六十餘人盡誅滅之。

按唐宰相世系則為并州刺史章五世孫

三國志魏書蘇則扶風武功人魏志西平麴演叛則勒兵討之非謂則平演也

昭字公仁定陶人歷

魏蘇則字文師。漢平陵侯後也。少以學行聞。舉孝廉茂才。辟公府。皆不就。起家為酒

卷之三

五

人物

泉太守。轉安定武都。所在有威名。太祖征張魯。過郡。悅之。使為軍導。魯破。徙金城太守。太祖崩。西平麴演。文帝以其功。加護羌校尉。賜爵關內侯。後演復結旁郡為亂。則悉平之。進封都亭侯。邑三百戶。徵拜侍中。董昭嘗枕則膝臥。則推下之。曰。吾膝非佞。

官太僕

傅巽官侍
中

人枕也。初則及臨菑侯植。聞魏代漢。皆發
服悲哭。文帝聞植不聞則也。問曰。吾受禪
而有哭者何也。則鬚髯悉張。方正論極對。
傅巽指曰。不謂卿也。於是乃止。文帝以前
敦煌獻徑寸大珠。復欲求市。則對曰。陛下
化治中國。卽不求自至。求而得之。不足貴

卷之三

去

人物

也。帝嘿然。後從帝獵。槎桎拔失鹿。帝怒。收
督吏將斬之。則稽首曰。陛下欲隆唐堯之
化。而以獵戲殺羣吏。臣敢以死請。帝曰。卿
直臣也。遂赦之。然以此見憚。黃初四年。左
遷東平相。未至。道病薨。諡剛侯。

山濤啟事
稱愉忠篤

晉蘇愉字休豫。魏侍中則弟二子也。見恬。

有智意子
紹字世嗣
為吳王師
紹弟慎左
衛將軍

周書云亮
祖權魏書
云湛父擁
字天祐存
考

襲侍中爵為都亭侯。恬死無子。愉更襲封都亭侯。晉受魏禪。以為太常卿。遷光祿大夫。至尚書卒。

後魏蘇稚字天祐。魏侍中則之後。位至中書侍郎。玉門郡守。

蘇祐稚子也。官至泰山郡守。

卷之三

七

人物

蘇協亦稚子。為武功郡守。

蘇亮字景順。祐子也。少通敏博學。好屬文。

善章奏。與弟湛讓。又從弟綽。皆著名西土。

初舉秀才。齊王蕭寶夤引為參軍。寶夤敗。

孝武西遷。遷吏部郎中。大統二年。拜給事

黃門侍郎。領中書舍人。宜都王為秦州刺

北史亮少與從弟綽俱知名世稱二蘇亮過河內常景景謂人曰秦中才學可以抗山東將此人乎

史文帝以亮為司馬。謂亮曰。黃門侍郎豈可為秦州司馬。直以朕愛子。出藩故。以心腹相委耳。賜以御馬。八年。封臨涇縣子。除中書監。領著作。修國史。亮有機變。善談笑。周文帝為丞相。甚重之。有所籌議。率膺會其旨。記人之善。忘人之過。薦達後進。如恐

卷之三

六

人物

弗及。故當世敬慕焉。歷秘書監。大行臺尚書。出為岐州牧。十年。徵拜侍中。卒。所著文都數十篇。行於世。子師嗣。起家黃門侍郎。

蕭寶夤。齊明帝鸞第六子。東昏侯寶卷母弟也。寶夤作亂。以亮為黃門侍郎。孝武修西奔。都於長安。是為西魏。文帝寶炬。孝文帝孫。宜都王。名式。周文帝泰。姓宇文氏。文都。北史周書。俱作文筆。

儉天水人
湛從母弟

時湛臥疾
於家

蘇湛字景儁。少有志行。頗涉羣書。年二十餘。舉秀才。除奉朝請。領待御史。加員外散騎侍郎。蕭寶夤討關西。以爲行臺郎中。寶夤反。令姜儉報湛。湛舉聲大哭。儉止之。湛曰。百口居家。卽時屠滅。云何不哭。王以窮鳥依人。朝廷假王羽翼。榮寵至此。今國步

卷之三

九

人物

多虞。不能竭忠報德。乃欲乘人間隙。以羸敗之兵。守關問鼎。破亡之期。不旋踵矣。湛不能以積世忠貞之基。爲王族滅也。願乞骸骨。還鄉里。寶夤知湛不爲己用。於是聽還武功。寶夤敗。莊帝徵湛。拜尚書郎。謂之曰。聞卿答蕭寶夤甚有美辭。湛頓首謝曰。

臣與寶夤周旋契濶。言得盡心而不能令其守節。臣之罪也。莊帝大悅。加散騎侍郎。尋遷尚書。孝武初。以疾卒於家。贈散騎常侍。鎮西將軍。雍州刺史。

魏書蕭衍既克建業。將害寶夤。寶夤穿牆夜出。至壽春之東。城主杜元倫任城王澄迎之。時年十六。至京師。世宗禮之甚重。孝昌三年反。永安三年賜死。

卷之三

三

人物

散騎侍郎。尋遷尚書。本傳云。拜散騎都尉。仍領郎。遷中書侍郎。

北史云讓頗有人倫鑒

蘇讓字景恕。幼聰明。好學。初為本州主簿。稍遷別駕。武都郡守。鎮遠將軍。金紫光祿大夫。周文帝為丞相。引為府屬。甚見親待。出為衛將軍。南汾州刺史。有善政。卒于官。贈車騎大將軍。儀同三司。涇州刺史。

北史蘇綽
魏侍中則
之九世孫
也

後周蘇綽字令綽。後魏武功郡守協子也。

綽少好學。博覽羣書。尤善算術。從兄讓為汾州刺史。周文為魏丞相。餞於都門外。謂曰。願言君家子弟可任用者。讓因舉綽。召為行臺郎中。凡臺中公文。皆綽與條式。臺中稱能焉。僕射周惠達與文帝論事。乃綽

卷之三

三

人物

周書綽始
制文案程
式朱出墨
入及計帳
戶籍之法

所量定。文帝異之曰。孰與為此議者。惠達曰。郎中綽也。後文帝與公卿觀魚昆明池。問故倉地。得綽對。愈益敬禮。乃更泛論天地造化之始。歷代興亡之故。並馬徐行。及池。不漁而返。詢訪政道。夜以達曙。整衣而坐。不覺其膝之前也。即拜大行臺左丞。參

典機密。大統十一年。授大行臺度支尚書。領著作監司農卿。文帝方欲革易時政。務行疆國富民之道。故綽益盡智能。牧守令長。非通綽六條及計帳。不得居官。文帝厭文章浮華。因魏帝祭廟。羣臣畢至。乃命綽爲大誥。奏行之。其文與六條俱見本傳。綽性儉素。不事產業。家無餘財。以海內未平。常以天下爲己任。文帝亦推心委任。十二年卒于位。年四十九也。子威嗣。

卷之三

三

人物

周文。謂周文帝泰。周惠達字懷文。文安人。故倉地。北史云。漢故倉地。六條。一先修心。二敦教化。三盡地利。四擢賢良。五恤獄訟。六均賦役。

蘇椿字令欽。綽弟也。性廉慎。沈勇有決斷。

文帝謂周
文帝

領兵北史
云領鄉兵

魏正光中。關右賊亂。椿應募討之。授盪寇
將軍。以功累遷中散大夫。賜爵美陽子。大
純初。拜鎮東將軍。金紫光祿大夫。除都督。
行宏農郡事。椿當官強濟。特爲文帝所知。
十四年。置黨州鄉師。自非鄉望允當衆心。
不得預焉。乃令驛追椿領兵。其年破槃頭

卷之三

三

人物

氏有功。除散騎常侍。加大都督。十六年。征
隨郡軍還。除武功郡守。旣爲本邑。以清儉
自居。小大之政。必盡忠恕。進爵爲侯。位驃
騎大將軍。開府儀同三司。大都督。卒。子植
嗣。

隋蘇威字無畏。魏度支尚書綽子也。襲爵

功曹本傳
作吏曹

高祖謂隋
文帝

美陽縣公。仕郡功曹。周革命。宇文護以其
女新興公主妻焉。初威惡護專權。乃逃入
山中。未幾。授使持節車騎大將軍儀同三
司。改封狄道縣公。宣帝嗣位。就拜開府。高
祖爲丞相。高頰屢言其賢。召入臥內與語。
大悅。高祖受禪。徵拜太子少保。追贈其父

卷之三

十四

人物

爲邳國公。以威襲焉。尋兼納言。民部尚書。
多讜言直論。語在本傳。煬帝立。加威上大
將軍。楊元感反。帝曰。此兒聰明。將不爲患
邪。威諷之曰。所謂聰明者。識是非。審成敗。
也。元感麤。何謂聰明。直恐亂自此階耳。與
宇文述對盜賊事。威曰。往但據長白山。今

近在滎陽泗水耳。復問伐遼東。威請赦羣盜。遣討高麗。上益怒。值御史大夫裴蘊。希旨劾威。詔威除名。尋從幸江都。帝欲復用威。蘊等奏威昏耄。乃止。宇文化及旣弒帝。以威爲光祿大夫。開府儀同三司。化及敗。歸李密。密敗。歸東都。越王侗以爲上柱國。

卷之三

三五

人物

邳公王世充僭號。署太師。太宗平王世充。威請謁見。稱老病不能拜起。太宗遣人數威曰。公隋室宰輔。政亂不能匡救。遂令品物塗炭。君弒國亡。見李密王世充。皆拜伏舞蹈。今旣老病。無勞相見也。尋歸長安。請見高祖。又不許。卒于家。年八十二歲。

北史本傳周文帝時襲爵美陽縣公
宇文護周文帝泰長兄邵惠公顯子

高頴字昭元一名敏渤海蓀人兼民

部尚書按本傳文帝九年拜尚書右僕

射加威上大將軍按本傳以本官領

右武衛大將軍賜爵房陵侯尋進封房

公楊元感隋越國公素子宇文述

代郡武川人父盛仕周位上柱國裴

蘊聞喜人祖平父忌並

南史有傳化及述子

蘇夔字伯尼威子也起家為太子通事舍

卷之三

三

人物

素字處道周汾州刺

史敷子

妥字栖鳳

西城人

人。楊素奇之。素每戲威曰。楊素無兒。蘇夔

無父。後與鄭譯何妥議樂不行。著樂志十

五篇以自見。仁壽三年。詔天下舉達禮樂

源者。晉王昭為雍州牧。舉夔。與諸州所舉

五十餘人謁帝。帝指夔謂侍臣曰。唯此一

人稱所舉。於是拜晉王友。煬帝嗣位。歷太

子洗馬。鴻臚少卿。關中盜起。詔夔巡關中。以功進位通議大夫。坐父事除名。後會丁母憂。不勝哀卒。時年四十九。

北史夔博覽羣言。尤以鍾律自命。初名哲。字知人。父威。由是改之。

唐劉文靜字肇仁。父韶。仕隋戰死。贈上儀同三司。文靜以死難子襲儀同。倜儻有氣

卷之三

七

人物

氣畧唐書
作器畧

畧。大業末。爲晉陽令。與晉陽宮監裴寂善。寂夜見邏堞傳烽。歎曰。天下方亂。吾將安舍。文靜笑曰。如君言。英豪所資也。吾二人可終羈賤乎。高祖爲唐公。鎮太原。文靜察有大志。深自結納。旣又見秦王。謂寂曰。唐公子非常人也。豁達神武。漢高祖。魏太祖。

之徒歟。俄坐李密親繫獄。秦王顧宅無可與計者。私入視之。文靜喜。挑言曰。喪亂方剡。非湯武高光不能定也。王曰。今過此。非兒女子相愛。直欲與其大計。文靜曰。上南幸。兵填河洛。盜賊蟬結。大連州縣。小阻山澤。誠能投天會機。奮義大呼。則四海不足

卷之三

三

人物

定也。今汾晉避盜者。文靜素知其豪傑。一朝號召。十萬衆可得也。加尊公府兵數萬。一下令誰不願從。鼓而入關。以震天下。王業成矣。王笑曰。君言正合我意。於是卒起兵。以文靜爲司馬。竟平隋有天下。後爲裴寂所構。與弟文起並坐法。貞觀三年。詔追

復官爵。

蘇世長。祖彤。仕後魏。通直散騎常侍。父振。周巖州刺史。建威縣侯。父死。王事。詔世長襲爵。入隋。爲長安令。大業末。爲都水少監。煬帝被弒。發喪。慟聞行路。更爲王世充太子太保。戍襄陽。高祖與之舊。數遣使喻降。

卷之三

三

人物

世長輒殺之。洛陽平。始歸帝。帝謂世長。世長對曰。古帝王受命。以比逐鹿。一人得禽。萬夫斂手。豈有獲鹿後。忿同獵者。問爭肉罪邪。帝笑釋之。授玉山屯監。引見元武門。與語平生。後又拜諫議大夫。帝欲獵武功。時武功新經突厥之寇。世長諫之。不聽。後

瓊綱目作
傾集覽汲
冢古文曰
夏桀作傾
宮殫百姓
之財

與宴披香殿。世長曰。此殿煬帝作邪。何雕
麗底此。帝曰。卿好諫似直。然詐也。顧以我
所作爲煬帝邪。對曰。臣聞瓊宮鹿臺。非受
命聖人所爲者。陛下武功舊第。才蔽風雨。
時以爲足。今天下方厭隋侈。以歸有道。宜
刈淫奢。復朴素。乃雕飾如此。欲易其亂。得

卷之三

三

人物

乎。帝咨重其言。歷陝州長史。天策府軍諮
祭酒。引爲學士。貞觀初。使突厥。與頡利爭
禮。不屈。拒卻賂遺。朝廷壯之。出爲巴州刺
史。舟敗溺死。

蘇勗字慎行。武德中。爲秦王咨議典籤。文
學館學士。尚南康公主。拜駙馬都尉。遷魏

王泰府司馬。博學有美名。泰重之。勸開館
引文學士。著書名家。歷吏部侍郎太子左
庶子卒。

蘇良嗣。世長子也。高宗時爲周王司馬。王
年少不法。良嗣數諫。王以法繩。府官不職
者。甚見尊憚。帝異之。遷荊州長史。帝遣宦

卷之三

三

人物

者采竹蒔上苑。所過縱暴。至荆。良嗣囚之。
上書言狀。帝下詔慰獎。取竹棄之。徙雍州。
垂拱初。遷冬官尚書。拜納言。封溫國公。留
守西京。賞遇尤渥。尚方監裴匪躬。建言鬻
諸苑果蔬儲利。良嗣曰。公儀休拔葵去織。
未聞天子賣果蔬。與人爭利。遂止。遷文昌

左相。同鳳閣鸞臺三品。遇薛懷義于朝。懷義偃蹇。良嗣怒叱左右批其頰。曳去。武后聞之。戒曰。第出入北門。彼南衙宰相行來。毋犯之。載初元年。罷左相。加特進。仍知政事。與韋方質素不平。方質坐事誅。引逮之。后辯其非。良嗣悸謝不能興。輿還第。卒。年八十五。詔百官往弔。贈開府儀同三司益州都督。

卷之三

三

人物

蘇瓌字昌容。隋僕射威曾孫也。擢進士第。歷朗歙二州刺史。來俊臣貶州參軍。人懼其復用。多致書請瓌。瓌叱其使曰。吾忝州牧。能過待小人乎。俊臣恨之。由是連外徙。

俊臣未至
州追還

普思以妖
幻位秘書
員外監支
黨偏岐隴
間相煽謎
為亂

不得入。神龍初。始入為尚書右丞。再遷戶部尚書。拜侍中。留守京師。中宗復政。力毆鄭普思。流儋州。累拜尚書右僕射同中書門下三品。進封許國公。中宗崩。遺詔太后臨朝。相王以太尉輔政。宗楚客阻之。瓌正色曰。遺制乃先帝意。安得輒改。韋氏敗。睿宗即位。進左僕射。景雲元年。老病。罷為太子少傅。卒年七十二。贈司空。荊州大都督。諡曰文貞。開元二年。擢中子乂左補闕。六代孫翔。

蘇幹瓌從父勗子也。擢明經。授徐王府記

庭碩一作
廷碩

室參軍。王好畋。每諫止之。垂拱中。遷魏州
刺史。河朔饑。前刺史苛暴。百姓流徙。幹檢
吏督姦。勸課農桑。由是流冗盡復。以治稱。
拜右羽林將軍。遷工部尚書。來俊臣素忌
之。誣幹與琅邪王冲通書。繫獄。發憤卒。

蘇頲字庭碩。瓌子也。幼敏悟。一覽千言能

卷之三

三

人物

覆誦。第進士。調烏程尉。再遷監察御史。被
詔覆來俊臣冤獄。多所洗宥。遷給事中。修
文館學士。拜中書舍人。時瓌同中書門下
三品。父子同在禁苑。朝廷榮之。元宗平內
難。凡制詔皆頲所爲。又遷工部侍郎。以父
喪不拜。終制後。詔以爲中書侍郎。知制誥。

李德裕曰
近世詔誥
惟題敘事
外自爲文
章

通鑑分吏
部爲十銓
以題等十
人掌之

始給政事食。尋襲封許國公。開元四年。進
同紫微黃門平章事。修國史。與宋璟同當
國。璟剛正。多所裁決。題能推其長。帝前敷
奏。璟有不及。輒助成之。故帝皆納焉。璟曰。
吾與蘇氏父子同爲宰相。僕射長厚。自是
國器。若獻可替否。事至卽斷。公不顧私。則

卷之三

三五

人物

今丞相過之。八年。罷爲禮部尚書。又檢校
益州大都督長史。按察節度劍南諸州。從
封太山。詔頌朝覲壇。世咨其文。還分主十
銓事。卒年五十八。詔贈右丞相。諡曰文憲。
文章與張說齊名。時號燕許大手筆云。
蘇誦字廷言。題弟也。舉賢良方正高第。累

轉給事中。時頲爲紫微侍郎。固辭。帝曰。朕自用誥。卿奚不若祁奚也。出爲徐州刺史。治有良迹。贈吏部侍郎。

蘇震誥子也。以蔭補千牛。十餘歲強學。有成人風。累遷殿中侍御史長安令。祿山陷京師。震與崔光遠殺開遠門吏。棄家出奔。

光遠時爲京兆尹

卷之三

三

人物

會肅宗興師靈武。震晝夜馳赴行在。帝嘉之。拜御史中丞。遷文部侍郎。廣平王爲元帥。以震爲糧料使。二京平。封岐陽縣公。改河南尹。累封岐國公。拜太常卿。代宗幸東都。復以爲河南尹。未行卒。贈禮部尚書。

富嘉謨舉進士。長安中累轉晉陽尉。時新

此傳當在蘇頲前

武后年號

嘉謨行集
十卷今存
明水詩一
首

安吳少微亦尉晉陽。既相友善。有魏谷倚
者。爲太原主簿。並負文辭。時稱北京三傑。
天下文章。尚徐庾浮俚。獨嘉謨少微。本經
術。雅厚雄邁。人爭慕之。號吳富體。預修三
教珠英。韋嗣立薦嘉謨少微。並爲左臺御
史。已而嘉謨死。少微方病。聞之爲慟。亦卒。

卷之三

三

人物

則天詔張昌宗撰三教珠英於內。引文
士李嶠等二十六人分門撰集成一千
三百卷。開元中張說與徐堅論近世
文章說曰。富嘉謨如孤峰絕岸。壁立萬
仞。濃雲鬱興。震雷俱發。誠
可畏也。若施於廊廟。駭矣。

蘇源明初名預。字弱夫。少孤。寄居徐兗。工
文辭。有名。天寶間。及進士第。更試集賢院。
累遷太子諭德。出爲東平太守。詔爲國子

時宰相王
與以祈禱
進

按唐書弁
良嗣從孫

司業。祿山陷京師。源明以病不受僞官。肅
宗復西京。擢考功郎中。知制誥。值禁中禱
祠窮日夜。而史思明陷洛陽。詔幸東京。親
征。源明上疏極諫。帝嘉其切直。遂罷東幸。
以秘書少監卒。

蘇弁字元容。瓌從孫也。擢進士。調奉天主

卷之三

三

人物

簿。德宗出狩。縣令計事在府。官屬皆惶恐。
欲遁走。弁曰。昔肅宗幸靈武。至新平安定。
二太守坐伏匿。斬以徇。諸君知之乎。衆乃
定。車駕至。儲峙畢給。帝嘉之。試大理司直。
朱泚平。進監察御史。累擢倉部郎中。判度
支。裴延齡死。帝召弁見。延英。賜紫衣金魚。

以度支郎中副知度支事。位郎中上。度支有副。自弁始。弁通學術。吏事精明。承延齡後。平賦緩役。畧煩苛。人賴其寬。久之。遷戶部侍郎判度支。改太子詹事。尋坐腐粟。貶汀州司戶參軍。是時兄袞爲贊善大夫。冕京兆士曹參軍。以弁故。貶袞永州。冕信州。

卷之三

三

人物

皆司戶參軍。袞年老。瞑不能視。帝閱之。聽還。又有稱冕才者。帝悔不用。重追冕。遂不復用。數年起弁爲滁州刺史。卒。弁聚書至三萬卷。手自讐定。當時稱與秘府埒云。

蘇鶚未詳其行事。崔豹古今註云。有行義集十卷。

此傳當在蘇良嗣蘇瓌之間

唐書孝友
列傳元讓
雍州武功
人

按唐宰相
世系表蘇
迢子蒙蒙
子檢
通鑑檢數
為渥經營
入相且遣
親吏告偃

元讓擢明經。以母病不肯調。侍膳不出閭。數十年母終。廬墓次。廢櫛沐。飯菜飲水。咸亨中太子監國。下令表闕于門。永淳初。巡察使表讓孝悌卓越。擢太子右內率府長史。歲滿還鄉里。人有所訟。皆詣讓判。中宗在東宮。召拜司議郎。入謁。武后望謂曰。卿孝於家。必能忠於國。宜以治道輔吾子。尋卒。

卷之三

早

人物

蘇檢字聖用。舉進士。歷中書舍人。昭宗天復二年。拜工部侍郎。同中書門下平章事。朱全忠崔允反復為姦。朝廷急於累卵。檢以韓偓有才辨。數言于李茂貞。欲以相偓。

偃怒曰公
不能有所
爲乃欲以
此相汙耶

澄尚壽安
公主明皇
女也

偃陰附允。知事不可。不肯拜。初茂貞與諸
宦者恐上自別用人。故協力薦檢。明年二
月丙子。允與全忠竟害檢。

夫蘇氏除世長至弁。史各有傳。予讀唐書
宰相世表。觀其人至繁。衍顯盛也。今畧序
之。使好事者得誦說焉。按表。蘇氏猶有秘

卷之三

聖

人物

書監一人。踐言都督一人。琛駙馬都尉二

人。彥伯雲郎中二人。綰工部獻駕部刺史

八人。亶台州澄沁州均虔州務寂梓州妙

永州易黃州奕光州繫滁州太府卿一人。

檀太守一人。顏淮安驍衛將軍一人。韞國

子司業一人。虔王傅一人。盈而其系推自

平陵侯。檢別為蘇氏。非平陵侯後。

踐言良嗣子。琛，直次子。彥伯，良嗣

孫。雲，良嗣曾孫。綰，澄子。獻，幹子。

直，夔子。澄，威孫。均，勗子。務，寂

踐言子。妙，又子。易，邈孫。奕，詵孫。

繫，易子。檀，良嗣元孫。顏，瓌子。

韞，琛子。虔，字執儀，繫孫。盈，瓌孫。嘉

王傅。按表又有濟州刺史昱，幹弟。

又按良嗣傳，踐言子務元，邠王府長史。

宋蘇曉字表東。父瓚仕後唐。歷秘書少監。

卷之三 聖 人物

曉宋初為淮南轉運使。歲入百餘萬緡。開

寶三年。遷司勳郎中。改西川轉運使。仍掌

京城市征。發李守信贓。拜右諫議大夫。判

大理寺。卒。年七十三。然深刻少恩。非長者

云。

李守信市木秦隴間。盜官錢鉅萬。既受代為部下所發。至中牟。自剄於傳舍。太

曉歷官左
諫議大夫

祖命曉按之，逮捕甚衆。

游光濟官至大理寺丞。贈朝請郎。子師雄最知名。

蘇昞字季明。與游師雄同學于張載。乃後昞又卒業二程。元祐末。呂大忠薦之。起布衣為太常博士。坐元符上書。入邪籍。編管

卷之三

三

人物

饒州卒。

大忠宋史作大中

大忠字進伯。大臨之兄。薦昞謂其德性純茂。強學篤志。行年四十。不求仕進。真西山讀書記云。胡安國譏昞越職上書。必有非所宜言者。

順德軍宋史作德順軍

游師雄字景叔。第進士。為儀州司戶參軍。順德軍判官。與鄜延諸將計議邊事。賴以無患。元祐初。為宗正主簿。議棄四砦事甚

議棄四砦事執政不

聽因著分
疆錄

七聖當作
七砦

范育字異
之三水人
祥子

力。執政弗從。遷軍器監丞。夏人謀分據熙
河。師雄語劉舜卿制之之策。已而皆大捷。
斬獲幾四千人。虜鬼章及其大首領九人。
遷陝西轉運判官。提點秦鳳路刑獄。夏人
侵涇原。復入熙河。師雄議於定西通渭之
間。建三柵。及護耕七聖。以固藩籬。爲無窮
之利。詔以師雄議付范育。入拜禮部員外
郎。加集賢校理。爲陝西轉運使。計轉輸事。
上皆從之。有詔詣闕。哲宗勞之曰。洮州之
役。可謂雋功。但恨賞太薄耳。拜衛尉少卿。
上數訪邊防利病。師雄具慶歷以來。邊臣
施置之臧否。朝廷謀議之得失。及方今禦

熙河宋史
作熙州

敵之要。凡六十事。名曰紹聖安邊策。上之。
出知河中府。進直龍圖閣。知秦州。未至。夏
人擾邊。詔攝熙河。與使者及秦帥共謀之。
師雄志在築城守禦。而使者方銳於討擊。
然卒用師雄策。自復洮州之後。于闐、大食、
佛林、邈黎諸國皆懼。悉遣使入貢。未幾還。
秦徙知陝州。卒年六十。師雄慷慨豪邁。少
有文學。事橫渠張載。益得其奧。及被委用。
有志事功。議者以用不究才爲恨。弟師韓。
亦以英俊知名。子靖、竑、蟻、竦、竦皆舉進士。
傳其家。

游靖舉進士。爲河南府左軍巡判官。管勾

秦鳳路機宜文字。有學行。克肖厥父。文章簡易順理。時以爲工。

元康氏諱廷瑞字子安。讀書長寧西門原上。有弟子數百人。宗師子安。明性理之學。於是稱之曰西原先生。後辟爲興化訓導。其行事見家譜大傳。孫諱汝楫。在皇明最有勳德。

卷之三

異

人物

汝楫號東里

明一統志
汝楫以儒術起家
洪武初歷官
四川安岳
知縣有治

皇明康氏諱汝楫字濟川。洪武初舉明經。爲縣學訓導。太祖皇帝選天下文學知名之士。教太子諸王。乃以訓導爲燕王相。參錄其軍國事。洪武末。出爲安岳知縣。靖難後。太宗皇帝徵赴行在。拜行部左侍郎。留

北京輔皇太子。凡城守置治事。皆聽便宜行之。侍郎有大勲德。上將封之爲侯。固辭不拜。比卒。又上表乞勿賜贈諡。上竟皆允之。一日上召其子俱來。值中子年買在外。廼以長子諱爵爲上林苑監左監正。季子禋爲監副。又賜中子年千金。鏹數十千貫。

卷之三

四

人物

勅關津吏往來不得詰察。上謂廷臣曰。侍郎忠。其子孫必忠。聞侍郎尚有孫。俟長當并官之。又曰。二子初仕。或未諳悉法禁。錦衣衛可記名。有過勿刺。洪熙元年。贈工部尚書。諱爵。字以德。在上林。卽條陳山西苑戶久役之苦。上皆從之。累遷南京太常寺

卿。禮字以敬。有文名。官至右通政太常。子諱健。字自強。天順初。有詔起尚書孫應祀者。授通政司知事。知事子諱鏞。字振遠。世稱康長公。以文章名世。目曰關西夫子。仕爲平陽府知事。其言語行事。並見家譜大傳。子阜。字德瞻。七歲能詩。十八歲死。以次

卷之三

吳

人物

子海贈翰林院修撰。

馬京字子高。少學於康尚書。以文學知名。

洪武十三年進士及第。授翰林院編修。永

樂初。拜行部右侍郎。未幾卒。仁宗皇帝贈

少傅禮部尚書。諡文簡。京爲人方正。有才

思。立朝多所建明。上嘉納之。然取之囹圄

按明史選
舉志洪武
十八年廷
試擢一甲
進士丁顯
等爲修撰
二甲馬京
等爲編修
此云十三
年進士又

云及第俱
誤

昭舉景泰
四年鄉試

之中。而卒於効用之始。故其美大莫究。時
論惜焉。子健以蔭為太常寺典簿。後至兵
部主事。天順末。主事孫昭舉鄉試。後為武
邑知縣。昭子安以例為國子生。終滎河知
縣。

按明史京與陳壽許思温瘕死獄中。洪
熙元年。贈榮祿大夫少傅。謚文簡。志云。

卷之三

晃

人物

取之囹圄之中。卒於効用之
始。又云贈禮部尚書。俱無考。

列女帝嚳元妃姜原。有釐氏女也。初無子。
與帝嚳禋祀郊禩。以求有子。出遇巨人跡。
悅而踐焉。震動有孕。乃生后稷。是為周人
生民之祖。詩曰。厥初生民。時維姜原。蓋此
之謂也。餘見史記周本紀。

太姜者。周太王妃。有邵氏女也。生太伯。仲雍。王季。太姜有色而貞順。率導諸子。至於成童。靡有過失。太王謀事必於太姜。太姜相太王。修復后稷之業。積德行義。至其孫武王。遂有天下。此太姜之德也。

滔字連波
右將軍竇

爽之孫朗
之第二子
也該通經
史

金輪皇帝
製文云縱
橫八寸題
詩二百餘

卷之三

五

人物

功蘇道質第三女也。年十六。歸于竇氏。滔甚敬之。符堅寇襄陽。以滔為安南將軍。留鎮襄陽。滔攜寵姬趙陽臺往。蘇氏怨之。不肯與俱。而滔竟與斷音問。後蘇氏悔恨自傷。因織錦為回文。縱廣八寸。計八百餘言。縱橫反覆皆成文章。因以寄滔襄陽。滔覽

首才情之
妙超今邁
古

之感其意。於是迎蘇氏來襄陽。而歸陽臺於關中。恩好愈篤焉。著有文詞五千餘言。隋亂不傳。止傳其回文。回文有武后記。言蘇氏事甚詳。

皇明丁氏喬銓妻。銓死無子。守節四十餘年。始終無玷。正德二年。知縣鍾仁以聞。後

卷之三

至

人物

八年命始下。知縣紹表其門。

對山有李
節婦歌
銳臨胸圭
薄文圓子

喬氏李銳妻。銳死。貧無以依。挈其女居故族兄祿家。織紵自活。幾四十年。女子已嫁。值婿死。乃更與女居。節操莊嚴。士大夫累言諸有司。知縣瑋至。始上聞於朝云。
王氏周村人。郝讓妻。讓少喪父。母武氏。年

武氏之節
從王氏口
中再為叙
述而王氏
之節與孝
自著

二十餘。寡居。辛苦萬狀。匍匐至讓。成立。為
取婦有子。子夭。乃讓亦死。王氏親鄰多勸
之嫁。不從。曰。有姑在。不可無與養也。姑乃
更勸之。王氏曰。姑昔值舅亡。有盛年。艾容
誓死。不更人。所以極辛苦者。徒以讓爾。今
讓不幸死。無能終老。母之養妾為之。婦忍
身不衰。

卷之三

五

人物

武功縣志卷三終

